



UNIVERSITETI “KADRI ZEKA” UNIVERSITY

Zija Shemsiu pn., 60000, Gjilan, Republika e Kosovës
www.uni-gjilan.net tel: 0280390112

Ref. nr. 01/557 Dt. 02/06 /2020

Pof. Asoc. Dr. Bajram Kosumi
Rektor

Për: Letër për studentët, stafin akademik dhe administratën

Të dashur studentë, profesorë dhe punëtorë të administratës,

Ju uroj për kalimin e suksesshëm të kësaj faze të pandemisë Covid 19.

Universiteti Publik “Kadri Zeka” përfundoi procesin e ligjératave onlajn me një sukses të jashtëzakonshëm.

Për dhjetë javë, sa kanë zgjatur ligjératat onlajn, janë mbajtur 3300 orë mësimi, me njëqind mijë pjesëmarrës, me një mesatare prej 1400 kryje ditore.

Ligjératat onlajn në fillim na u imponuan për shkak të pandemisë Covid 19, por në fund rezultoi me një ngritje cilësore shumë të madhe në UKZ dhe në universitetet publike në Kosovë.

Ne hymë në këtë proces pa përgatitje paraprake, pa trajnime, megjithatë na u desh vetëm një javë ta organizojmë sistemin onlajn dhe të startojmë me sukses në një fushë të panjohur për ne.

Rezultati i mësimit onlajn është përtej të gjitha pritjeve tona. Prezenca e studentëve në orët mësimore ka qenë më e madhe se ajo në klasa. Orët mësimore kanë zgjatur mesatarisht 41 minuta, më gjatë se orët në klasa. Ka shumë më pak orë të humbura se në mësimin në klasa. Profesorët janë përgatitur më me kujdes për orën mësimore.

Ky proces tregon se UKZ, por edhe universitetet e tjera publike në Kosovë, kanë një shkallë të lartë të përgatitjes akademike dhe teknologjike, si dhe të vullnetit për punë. Kjo dëshmon se universitetet publike kanë brenda vetes vlera të larta akademike dhe janë rruga e duhur për arsimin e lartë në Kosovë.

Ky proces është edhe një tregues se ne nuk duhet të heqim dorë nga mësimi onlajn, pavarësisht ndalesave për virusin Covid 19, apo ndonjë arsyje tjetër. Ne e bëmë një ngritje cilësore në arsimin tonë të lartë dhe tash nuk duhet të zmbrapsem, por të gjëjmë mënyra dhe moduse se ku mund e si mund ta përdorim mësimin onlajn edhe në të ardhmen.

Shpresoj që studentët do të përgatiten shumë mirë edhe për afatin e provimeve të qershorit dhe do ta përmbyllin me sukses këtë vit akademik.

Dëshiroj të falënderoj në radhë të parë studentët dhe Parlamentin Studentor të UKZ, të cilët u angazhuan me vullnet të madh në këtë proces.

E falënderoj stafin akademik, në radhë të parë dekanat e fakulteteve, të cilët nuk hezituan dhe nuk u zembrapsën para sfidave të cilat impononte kalimi nga mësimi klasik në mësimin onlajn dhe nuk humbën pothuajse asnjë orë mësimi.

E falënderoj edhe administratën e UKZ e cila qëndroi gjithë kohën pranë studentëve dhe stafit akademik në këtë proces të rëndësishëm.

Jam krenar me këtë sukses të përbashkët!

Të dashur studentë, staf akademik dhe punëtorë t5ë administratës,
nuk duhet nënçmuar fakti se Covid 19 është ende prezent dhe ende godet. Ju ftoj të jeni pjesë e provimeve duke iu përmbajtur të gjitha rregullave të periudhës së pandemisë: mbani distancën dhe mos kontaktoni fizikisht me njëri tjetrin. Përshëndetni me dorë në zemër! Mbani maska gjatë provimit dhe mos u grumbulloni në grupe të mëdha.

Përshëndetni me dorë në zemër!

Na priftë e mbara të gjithëve!



Gjilan, më 2.06.2020